

-2-

=== TUCHANT EH ARRIUO EN HANU ===

==== ( kan poblet ) ===

=====

Tuchant éh arriùo en hanù  
Hag e kano er bobelan.

Er bobelan hag en estig  
Er vuialh argant, en hoperig.

E kano er goailh ér pradeu,  
E tigoro er bokedeu.

E tigoro er bokedeu  
Hag e vo groeit aliañseu !

Me gleu men dous é huitellat  
E lakaat en deur ar é brad.

Kant vad e ra dein er gleuet  
E hortoz en dé de zonet.

E hortoz en dé de zonet,  
E korn er prad, ér bod haleg...

-Men dous, dein-mé é lareet:  
A beban 'tet, emen éh et?

-Azoh er gér donet e ran,  
D'er pardon de Geuden éh an .

-Ha gorteit, mé me yei éùé,  
M'em es ho korteit guéhavé.

=====

— LAREDEU KOH —

En neb e laer un u (un ui)  
E laer ur jao pe gav é du.

Kemer hep rein  
E lak er garanté de droein.

Erh kent Nandeleg,  
Teil ér segaleg.